

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 237729 23 St
Zenica, 21.05.2024. godine

Općinski sud u Zenici, sutkinja Marina Šapina, u stečajnom postupku nad društvom „Devla BH“ Društvo sa ograničenom odgovornošću d.o.o. Visoko, ul. Alije Izetbegovića br. 1, Visoko, odlučujući o prijedlogu privremenog stečajnog upravnika Ismić Sulejmana iz Visokog, na ročištu održanom dana 21.05.2024. godine u prisustvu privremenog stečajnog upravnika i punomoćnika predlagatelja Sarač Malika, odvjetnika iz Visokog, dana 21.05.2024.god., donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijedenje troškova stečajnog postupka u iznosu od 3.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom „Devla BH“ Društvo sa ograničenom odgovornošću d.o.o. Visoko, ul. Alije Izetbegovića br. 1, Visoko, MBS:43-01-0333-22.

O b r a z l o ž e n j e

Predlagatelj „Devla BH“ Društvo sa ograničenom odgovornošću d.o.o. Visoko, ul. Alije Izetbegovića br. 1, Visoko, zastupan po punomoćniku Sarač Maliku, odvjetniku iz Visokog, je ovom sudu dana 16.11.2023.godine, podnio prijedlog za otvaranje stečajnog postupka nad ovim privrednim društvom, jer posljednjih nekoliko mjeseci nema nikakve poslovne aktivnosti inije izvjesno da će u sokrijoj budućnosti iste biti. Obzirom da je strani partner prestao sa radom a na usluge tom partneru se odnosio najveći dio poslovne aktivnosti stečajnog dužnika.

Rješenjem ovoga suda br. 43 0 St 237729 23 St od 11.03.2024.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika „Devla BH“ Društvo sa ograničenom odgovornošću d.o.o. Visoko, ul. Alije Izetbegovića br. 1, Visoko, MBS:43-01-0333-22 i za privremenog stečajnog upravitelja imenovanje je Ismić Sulejman iz Visokog, Carica 12.

Na ročištu za ispitivanje uvjeta za otvaranje stečaja održanom dana 21.05.2024. godine, privremeni stečajni upravitelj je izjavio, da ostaje kod svog izvještaja koji je dostavljen sudu, Navodi da je uvidom u završne račune, te po informacijama koje sam dobio od direktora i računovodstvene kuće koja je vodila firmu, a iz čega se može vidjeti cjelokupno stanje društva, tj. imovine. Navodi da društvo ne posjeduje nekretnine, pokretnine, imovinska prava, niti novce, što se vidi iz priloženih: Potvrde nadležnog ZK ureda, nadležnog Katastarskog ureda, te Uvjerenje MUP ZDK

PU Visoko. Dalje navodi da je utvrdio da na adresu gdje ima upisano sjedište društvo nema imovine, a da je svoju djelatnost obavljalo u prostorijama koje su u zakupnom odnosu. Privremeni stečajni upravitelja navodi da se kroz završne bilanse se pojavljuju sljedeća ne zatvorena konta: Konto 005 postrojenja oprema i namještaj, iskazani iznos od 561,00 KM, a što predstavlja fiskalnu kasu koja nema tržišnu vrijednost s obzirom da se ista ne može defikalizirati. Konto 048 potraživanja od kupaca u inostranstvu, iskazani iznos od 29.261,00 KM što predstavlja potraživanja od firme iz Njemačke, koja je i osnivač stečajnog dužnika „DEVLA GM BH“ a za koju su pružane usluge koje nisu naplaćene. S obzirom da isto nije utuženo u roku od dva mjeseca, a dužnik odbija da plati predmetni iznos, isto se treba pozitivnim međunarodnim finansijskim pravilima ne može utužiti putem nadležnog suda, te potraživanje iako nije zastarilo prema domaćem refundaciju ne može se očekivati da bi bilo predmet stečajne mase, tj. nije naplativo. Konto 057, novac i novčani ekvivalenti, iskazani iznos od 485,00 KM što je predstavljalo novac na računu koji je potrošen za tekuću godinu, a uz istog nije priložena dokumentacija. Konto 058, akontacija poreza na dobit, iskazan iznos od 323,00 KM što predstavlja uplaćeni porez na dobit, koji je iskorišten za naknadno uplaćeni porez u tekućem periodu, ali se isto nije proknjižilo, tako da predmetno potraživanje nije validno. Konto 059, ostala imovina i potraživanja, uključujući razgraničenje iskazani iznos od 7,00 KM što je predstavljalo novac u blagajni koji je potrošen. Navodi da društvo na računima u bankama nema novca, za što je podnesena i potvrda Sparkasse banke. Iz navedenog proizilazi da društvo nema imovine niti imovinskih prava koji bi sačinjavali stečajnu masu, a što je isto potvrđeno od strane samog društva te računovođe. Nadalje, pregledom poslovnih knjiga utvrdio je da društvo ima sljedeće kratkoročne obaveze: iznos od 14.291,00 KM se sastoji od sljedećih: obaveze prema dobavljačima u iznosu od 800,00 KM, koji se najvećim dijelom odnose na dugovanje za računovodstvo te sitne obaveze za režije i PTT Telecom. Ostale obaveze uključujući i razgraničenje u iznosu od 13.491,00 KM, a koji iznos potpada pod potraživanja radnika iz radnog odnosa i to najveći dijelom za neto plate koji nisu isplaćeni zbog nemogućnosti naplate prema Ino kupcu. Ističe da pregledom dokumentacije poslovnih knjiga te Potvrđama nadležnih organa i drugih institucija trenutna situacija ne ukazuje na postojanje razloga za otvaranje stečajnog postupka. Međutim, prama završnim obračunima postoje dugovanja koja s obzirom na cjelokupnu situaciju i činjenicu da društvo ne obavlja nikakvu djelatnost a nema kumulirane dobiti iste neće moći izmiriti. Tako da se sa sigurnošću može reći da sa dospelosti istih društvo nije bilo u mogućnosti da iste i izvrši. Iz navedenog proizilazi da postoji razlog za otvaranje stečajnog postupka, iz razloga prijeteće platežne nesposobnosti, a i s obzirom da je prijedlog podnesen i od strane samo stečajnog dužnika. Međutim društvo nema imovine koja bi mogla pokriti osnovne troškove stečajnog postupka, makar i djelimično, pa privremeni stečajni upravitelj predlaže da sud pozove povjerioce i zainteresirana lica da u roku od 30 dana predlože otvaranje stečajnog postupka i predujme iznos od 3.000,00 KM na ime troškova stečajnog postupka, a u koliko ne postupi, da sud donese rješenje o otvaranju i zaključenju stečajnog postupka a po pravomoćnosti društvo briše iz sudskog registra.

Punomoćnik predlagatelja navodi da predlagatelj ostaje kod prijedloga za otvaranje stečajnog postupka, nema primjedbi ni pitanja na izvještaj privremenog stečajnog upravitelja, te je suglasan sa prijedlogom privremenog stečajnog upravnika.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbijedenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:

Protiv ovog rješenja nije
dozvoljena žalba.

Sutkinja:

Marina Šapina